

RATNI ZLOČINI Akcija SIPA u Bijeljini

Uhapšen Srpko Pustivuk

Tužilaštvo BiH sumnja da je uhapšeni u maju i junu 1992. na području Ilijaša učestvovao u likvidaciji civila, među kojima i maloljetnika

Agenti Državne agencije za istrage i zaštitu jučer su u Bijeljini uhapsili Srpka Pustivuka (47) iz Bijeljene, rođenog u Visokom, zbog sumnje da je u maju i junu 1992, na širem području Ilijaša, učestvovao u likvidaciji civila bošnjačke nacionalnosti, među kojima je bilo i maloljetnika. Akcija SIPA urađena je po nalogu Tužilaštva BiH, koje je jučer saopštilo da je Pustivuk osumnjičen za krivično djelo ratni zločin protiv civilnog stanovništva.

Zloglasna paravojska

"Osumnjičeni se tereti da je u toku maja i juna 1992. u svojstvu pripadnika Interventnog voda Stanice javne bezbjednosti Ilijaš, zajedno sa drugim pripadnicima milicije i pripadnicima Vojske Srpske Republike BiH, u selu Gornja Bioča, općina Ilijaš, učestvovao u napadu na civile koji je imao za posljedice smrt i teške tjelesne povrede civila, među kojima je bilo i maloljetne djece", saopštili su, između ostalog, iz Tužilaštva BiH, dodajući da je uhapšeni jučer predat u nadležnost predmetnog tužioca, koji će odlučiti o prijedlogu za pritvaranje.

Interventni vod, čiji je pripadnik bio Srpko Pustivuk, smatra se jednom od najzloglasnijih paravojnih jedinica



Ilijaš: Istraga o ratnim zločinima

Ilijaša. Pripadnici te jedinice, zajedno sa ostalim paravojnim formacijama, u samo dva mjeseca likvidirali su oko 120 civila. Tijela većine nađena su u masovnim grobnicama u Lješevu i Žerovnji. U Žerovnji su, prema navodima iz Udruženja nestalih iz Ilijaša, pronađena tijela ubijenih u Gornjoj Bioči, mjestu gdje je počinjen zločin za koji se sumnjiči jučer uhapšeni Srpko Pustivuk.

"Udruženje nestalih iz Ilijaša još traga za pedesetak osoba koje se vode kao nestale. Do sada niko nije uhapšen za zločine u Ilijašu, pa je ovo prvo hapšenje, iako je riječ o stravičnim zločinima. Sve je urađeno u dogovoru sa Radovanom Karadžićem, a pored pripadnika ovog voda, gdje je bio i uhapšeni Pustivuk, najzloglasnijim se smatra Ratko

Kriznog štaba, koji je harao po selima. On je slobodan i nalazi se u Beogradu, a odgovorno tvrdimo da je najveći zločinac", pojasnila nam je Zekija Avdibegović, predsjednica Udruženja nestalih Ilijaš, dodajući da je Ilijaš bio u optužnici za genocid protiv Radovana Karadžića, što je skinuto zadnjom promjenom optužnice.

Logor u školi

Inače, pored zločina u gradu i okolnim selima, srpske paravojske snage su organizovale i logor u Osnovnoj školi "27. juli", gdje je prisilno zatvoreno nekoliko stotina stanovnika Ilijaša.

Jučer uhapšeni Srpko Pustivuk smatra se jednim od organizatora tog logora, što se navodi i u izvještaju Tužilaštva BiH.

